

ZAPISNIK SA 11. VANREDNE SJEDNICE UO SAMOSTALNOG SINDIKATA RADNIKA U BHRT-u, KOJA JE ODRŽANA U PETAK 11.08.2017. GODINE

Prisutni: D. Smital; E. Čengić; S.Topalić; Dž. Kahrica; N. Žuga; G. Brkić; N. Hodžić; B.Hamzagić; M. Grbo; M. Baručija; M. K. Pašalić; E. Fočo; N. Arnautović; N. Čordalija
Odsutni: O. Bukić; D. Miljević; - **opravdano**

Dnevni red:

1. Aktuelna situacija u BHRT-u

AD 1. Rukovodstvo Samostalnog sindikata radnika u BHRT-u je izvjestilo UO o sastanku sa generalnim direktorom gospodinom Belminom Karamehmedovićem koji je održan neposredno prije Vanredne sjednice UO.

Rukovodstvo Sindikata je na sastanku tražilo isplatu plaće za mjesec juni do kraja sedmice (do 18.08.2017.) kao i izmirivanje potraživanja radnika BHRT-a.

Zbog nedovoljnog priliva sredstava, generalni direktor je obavjestio Sindikat da je na računu BHRT-a trenutno 28.300 KM i da je nemoguće isplatiti neto plaću do kraja sedmice. Obzirom da je Sindikat uputio zvaničan stav da je protiv isplaćivanja pola iznosa neto plaće kao što je to bilo urađeno sa platom za mart, generalni direktor je istakao da do kraja sedmice može biti isplaćen isti iznos za sve radnike koji zavisi od priliva sredstava a nakon toga ostatak neto plaće do kraja mjeseca.

Prioritet menadžmenta po rječima generalnog direktora će biti izmirivanje obaveza i dugova prema radnicima čim počnu pristizati sredstva od RTV takse, kao i rješavanje dugova za doprinose i porez.

D.Smital je predložio i pročitao prijedlog saopštenja, koji bi bio zvaničan stav sindikata, ukoliko je prijedlog menadžmenta, neprihvatljiv za UO sindikata. UO je kroz raspravu utvrdio da uzimajući u obzir cjelokupnu finansijsku situaciju u BHRT-u prijedlog menadžmenta nije neprihvatljiv, tako da se prijedlog saopštenja nije ni razmatrao.

Rukovodstvo sindikat je također informisalo UO o informacijama koje su dobili od direktora u vezi procedure naplate RTV takse

Dogovori oko naplate RTV takse su u završnoj fazi i od septembra će se naplata vršiti zvanično preko Elektroprivrede. Još uvijek se usaglašavaju beze podataka koje ima Elektroprivreda sa bazom podataka Javnih servisa. Na svakom naplatnom mjestu EP BiH je planirano da bude i jedan inkasant za naplatu takse kako bi se pratilo stanje na terenu.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital